



12. oktober 2023

UPA2023/116

“Inuuniarnermikkut ajornartorsiuteqartut pillugit siunnersuisooqatigiit” pilersinneqarnissaannut Naalakkersuisut peqquneqassasut Inatsisartut aalajangiiffigisassaattut siunnersuut.

(Inatsisartunut Ilaasortaq Jens-Frederik Nielsen, Demokraatit).

Inatsisartut suleriaasianni § 33 naapertorlugu aalajangiiffigisassatut siunnersuut, Siumumit ima oqaaseqarfigissavarput:

Nunatsinni angerlarsimaffeqanngitsuuneq, tarnikkut innarlerneqarsimaneq allatigulluunniit inuunermi unamminartorsiorsinnaaneq piusoq nalunngilarput. Inuuniarnermikkut unamminartorsiorneq nalinginnaasutut isiginagu, inuiaqatigiittut tamatta pisussaaffeqarpugut ajunnginnerusussamut saatitsiniassalluta. Taamaammat Demokratineersup Jens-Frederik Nielsenip siunnersuutaanut Siumut qujarusuppoq.

Suliassaq annertuujusoq tamatta nalugunangilarput, aamma siunnersuuteqartup siunnersuutigisaaniit qalipaateqarnerujussuusinnaasoq ilanngullugu. Taamaattumik “Inuuniarnermikkut ajornartorsiuteqartut pillugit siunnersuisooqatigiit” pilersinneqarnissaanut piareersaateqarnissaq suliassaanillu erseqqissuliornissaq pisariaqartoq Siumut isumaqarpoq.

Suliassaq pilersaarusiornarluarneqartariaqarpoq, aamma kommunit innuttaasullu peqataanissaat avaqqunneqarsinnaanngitsoq Siumut isumaqarpoq.

Taamaattumik Naalakkersuisut siunnersuummut akissuteqaatiminni tikkuagaat, tassalu Oqaaseqartartut kommunillu suleqatigalugit pineqartoq piareersarneqartariaqartoq, Siumup isumaqatigaa. Ilanngullugu Siumup naatsorsuutigaa, kattuffiit soqutigisaqatigiiffiillu pilersaarusiornermi suleqatigineqassasut.

Taamak oqaaseqarluta Naalakkersuisut allannguutissatut siunnersuutaat ilalerlutigu, suliap Ilaqutariinnermut Peqqissutsimullu Ataatsimiititaliamut ingerlateqqinneqarnissaa inngersuussutigaarput.

Dines Mikaelson
Siumut